

10. Հաստատուում է ընդհանուր-նահանգապետի քաղաքացիական մասի օգնականի պաշտոն, որպիսի պաշտոնին նշանակուում է հայ:

11. Քաղաքացիական մասի օգնականի պաշտոնի համար հայկական համագումարը ներկայացնում է Ագրբէջանի կառավարութեան երկու թեկնածու, որոնցից մէկը հաստատուում է:

12. Ղարաբաղի հայերը վայելում են մշակութային ինքնավարութեան իրաւունք:

13. Մշակութային ինքնավարութեան իրաւունքը կիրառուում է Ղարաբաղի Հայոց Ազգային Պորհրդի կողմից, որը ընտրուում է Ղարաբաղի հայերից պարբերաբար հրաւիրուող համագումարներում: Համագումարը հրաւիրում է Ազգ. Պորհուրդը:

14. Ագրբէջանի Հանրապետութեան կառավարութիւնը հակալռուում է Հայոց Ազգային Պորհրդի գործունէութիւնը հայ լիագործների միջոցով:

15. Զօրամասերը կենում են Պանքենդում և Շուշիում, խաղաղ ժամանակայ կազմով:

16. Զօրամասերի ամէն տեղափոխում Ղարաբաղի, Շուշի, Զիվանչիը և Զիրբայիլ դաւառոնների լեռնային հայաբնակ մասերում կարող է կատարուել խորհրդի անդամների երկու երրորդի համաձայնութեամբ:

17. Քաղաքական համոզումների համար ոչ ոք չի կարող հետապնդման ենթարկուել ոչ դատական, ոչ էլ վարչական կարգով:

18. Քաղաքական պատճառներով մեկնելու հարկադրւած բոլոր հայերը իրաւունք ունեն վերադառնալու իրենց տեղերը:

19. Ղարաբաղում դադարեցւում է հայ և մահմետական բնակչութեան զինաթափումը մինչև Ղարաբաղի հարցի որոշուելը Հաշտութեան Վեհաժողովում:

Մանօթութիւն. Քանի որ ամբողջ Ագրբէջանում յայտարարւած է զինաթափութիւն, խօսք կարող է լինել միայն դադարեցման մասին:

20. Ագրբէջանի Հանրապետութեան կառավարութիւնը ցոյց է տալիս նիւթական և բարոյական ակնկալութիւն Ղարաբաղի ազգաբնակչութեան՝ մահմետական ու հայ քանդուած գիւղերը շուտով վերականգնելու համար:

21. Միջցեղային յարաբերութիւնները աւելի լաւ կարգաւորելու նպատակով խորհուրդը պարբերաբար հրաւիրում է հայ-մահմետական ընդհանուր և տեղական համագումարներ:

22. Միութիւնների, խօսքի ու մամուլի կատարեալ ազատութիւն: Իսկ ժողովները, քանի որ ամբողջ Ագրբէջանում տիրում է զինուորական դրութիւն, արտօնուում են վարչութեան կողմից:

23. Մանուար և պաշտօնատար անձանց բոլոր յանցագործութիւնները հետապնդուում են դատական եղանակով, բացի Պետական Պաշտպանութեան Կոմիտէի 1919թ. յունիս 11-ի պարտադիր որոշումով ընդհանուր դատատանական ենթակայութիւնից հանւած յանցանքներից:

24. Մինչև այժմ տեղի ունեցող միջցեղային ընդհարումներին մասնակցելու համար ոչ ոք չի ենթարկուում պատասխանատուութեան:

25. Սոյն համաձայնութիւնը ուժի մէջ է մտնում Ղարաբաղի Հայոց Դրդ համագումարի ընդունած վայրկեանից:

26. Սոյն համաձայնութիւնը իր ուժի մէջ է մտնում բոլոր դէպքերում՝ պաշարողական, զինուորական և այլն: